

廿六草序



歲丙戌冬至前三日余以請假旋里初出
都由通州抵灣甫登舟偶因河凍羈跡江
岸者凡匝月迨入春倏聞

聖駕南巡始棄水而從陸又以陸路恐不能

兼程迴避不已繞道中州計歷滏陽湯源
古朝歌及新樂牧野各各勝地始抵温邑
昔見菴劉年兄以武陟令代庖其地遂於
温署住月餘春抄上汴梁道經汜水又復
留汜署半月署中無所事也惟日從圍譜
較量得失求消永晝意頗洽也一日偶於
主人案頭見西粵

栢巖太先生翻刻勸善諸書熟玩良久因
問書所自來主人以同寅

渾菴年先生見惠對余白主人欲袖之去

主人以止有一册不允所請余遂由是作
求書想不意彈丸僻地遍覓無從復由是
益急欲得書一夕燈前小飲席間向主人
細問先生見任何地相距約道路幾許至
人脩道由汜水界到汴梁約二百里有奇
由汴抵尉僅九十里余由是求書之念益
迫切而尚未遑也夏初抵汴計到尉僅一
日程當即差役帶緘懇求兼訂會期荷蒙
先生不棄隨惠書數卷且許續添以廣厥
好併以十日之歡爲訂余拆閱回札覺喜

而不寤者竟夕次日早起呼童促輿人行
計出南關抵朱仙鎮爲路無幾忽被雨阻
不能前又次日由鎮抵尉方入境頌聲盈
耳早卜先生之德化深入乎民心者已匪
伊朝夕也一路上疑眸四望麥穗芄芄童
叟拍掌稱慶盡道和風甘雨大異從前又
意先生之能感格乎天心者已窺見一斑
也余不覺喜動顏色將入城目擊關外一
帶熙熙皞皞且疊聞絃誦之聲不絕心益
企慕之爰是不及假館隨即登堂請謁初

見先生風度昂然知從粹面盎背得來而
古貌古心又復與尋常迥別竊喜典型在
望仰止宜殷迨相對久之復見議論風生
談當世事如指掌至評論古今人物又皆
聞所未聞竊私心屈服以爲可宗當在是
依戀之忱無間內外遂由是不忍去忽先
生止余宿余卽從先生命下榻行宮側書
院東入院但見花卉迎眸新竹環籬古樹
參天堦下亭臺大小參差池間芙蓉隱與
金魚相掩映怪石直豎池心離水面尺餘

布置井然實可人意隨步入書齋滿壁皆
名公巨卿書贈太翁先生詩文余逐幅細
看又不覺心神飛越竊意以爲此行之不
虛度固如是耶旣得瞻仰先生道範又得
聆先生教且於壁間詩文又得因以相見
太先生之政事文章人品學問快何如之
傍晚挑燈劇談漏將殘先生尙無倦容余
亦不覺心醉須臾先生出廿六艸見示其
中或五七言絕句或五七言排律或詩餘
又或廻文筆墨所至莫不言言琬琰字字

珠璣真所謂美不勝收捧讀之餘頓令余
神清氣爽竟不覺愈讀愈歡又愈歡而愈
讀及讀至不忍釋手時惟有連衣倒榻倚
枕仰卧而已殘夢方覺睜眼斜看幾不知
東方之既白也快又當何如耶越次日先
生全集俱出自先生與太先生唱和起以
至友人互相贈答遊覽名山大川諸篇什
暨懷古卽事觸物誌感以及於歌詞曲本
對聯手札俱逐篇翻閱逐字推敲有不知
必問凡所問必悉先生不以余爲不可與

言每一展卷必高聲朗吟余以求教念切
每遇其間深奧復細加訊問務求洞徹而
後已先生見余心誠亦不惜詳爲講解七
晝夜頗有相得益彰之雅余用是竊嘆曰
先生其不可企及也哉先生之學博矣學
雖博而仍是不厭爲懷也先生之教廣矣
教雖廣而依然不倦是矢也先生之不可
企及余何不幸而不得遇先生於廿六年
以前耶余又何幸而忽遇先生於今茲而
綢繆依戀互相篤摯竟至不可解耶豈一

避迨握晤間亦若有造物者主乎其間耶
眞余所不解也仰止彌殷推廣倍切因固
請先生將全集統付梓以快海內有識諸
君子心目先生始固辭繼倏命余序余媿
不能文且以先生集內詩文固千人亦見
萬人亦見諸君子序言中揄揚固以殆盡
又何庸復贅一詞惟是述余所以得會先
生與先生所以不棄於余之由以附於諸
君子序文之末而已古人云詩以道性情
自君臣理亂以及風俗正變咏吟而諷刺

之以爲興觀羣怨詩之旨也先生詩文其
意深其旨遠溫柔敦厚最近風騷以爲詩
也而名理寓焉以爲理也而象趣寓焉求
之也近而卽之也遠豈徒如世之故爲研
思故爲搆彩故爲窮姿極情僅取眩曜一
時已哉若近時取青媿白與夫險仄僻拗
尤不可同日語矣余由先生而因以上溯
乎太先生由太先生而卽以遠溯乎樂耕
公之好善喜捨積厚而流光也亦由乎因
樂耕公之積厚流光而因以信太先生之

源遠而流長因太先生之源遠流長而即
以卜先生之世世子孫固宜其祖孫父子
兄弟咸高擢巍科相繼而未有艾也勸善
之書益可忽乎哉此集付梓後行將有新
訂圖譜問世雖戲具也而先生一翻苦心

能使一部全易名理具備直曲盡通人遊
藝之效是又不可以語言形容者矣謹序
告

康熙四十六年歲次丁亥孟夏吉旦戶部
陝西清吏司主事前知四川馬湖府屏

山縣事年家眷弟東粵墨江戴珮鷺序

氏頓首拜撰



廿六草詩序

之心靜兮如詩之為云心靜兮

之尤真者如誠於中形於

外是豈所以偽為者乎

系讀

渾菴趙父母廿六州而深
嘆其詩之善也且因其言
知其心而並慕其好善之
量之大也公生世有六
年而始為詩又閱世有六
年而詩成集詩備諸體之
擅少長形於家庭則孝友
之心油然而善也形於仕進
則忠貞之心肫然而善也
形於友朋則規勸之心

然然河善也形於登山

泣水吊古懷今因時賦

物則心之高嘆者超然藝

藝者毅然恬適者暢然又

何善弗善也此所謂因之

以知也如善夫之不足

而長之之長之之不足

而反復嗟嘆誦嘆之者

則同人之唱和者每乘

獨愛其不自滿故以善

必錄哉之於卷揚之於人
 噴之不置口所謂好善之
 之量之大者不於是見一
 班耶嗟乎士君子之用
 世也莫善於好善莫不
 善於忌善彼夫忌人之
 富貴而傾之忌人之功
 名而敗之為害已大至
 於忌人之矣才而百術
 以挫之抑之使不得展

則其為害於家國遂有

不堪之者 一公於人一

之善而志好則於人

如可志是故未是心以理

一色而一色既已稱善特

推是心以理一郡理一省以

及天下又安往而不盡

善哉孟子云好善優於

天下之有以去他如集

中而附裁者有文有詞有

贊有能六皆看闡世教紀
苟作者自今以往法艾年
以登期頤名位日以隆身
業日以蹇年什六日以富
余知其善以播海內而
法後世者書不勝書也戊
子友公將以廿六州問
世不以余鄙陋而屬焉
以序余不敏竊以以窺
其之之可法來而向德無



原件短缺

P1-P16

已也爰述是多以授諸梓
知之者當不以為証之
者

康熙歲次戊子友五月中瀚治年
家弟吳憲儒拜撰



序

詩之為道大矣尚書曰詩言志

是知在心為志發言為詩士君

子無論窮達出處皆有志則皆

發而為詩惟其詩之一本於志

也是故志之所至理亦至焉理
之所至事亦至焉事之所至
亦至焉近之不越性情之間而
推之乃在胞民與物之際可以
觀治效美教化移風俗待之為
道大矣丙戌夏五粵西名儒
渾庵趙老父臺先生來宰尉邑
甫數月治化翔洽頌聲遠播予
又聞其風雅擅長著作甚夥因
於冬日過從訪教蒙公懽然款

留把酒高談倡和見志不覺茅
塞頓開嗣以佳刻見遺遂部披
閱於通俗勸善書知公之世德
作求積善餘慶也於功過格知
公之善與人同惟日不足也於
園譜知公之心通造化故參伍
錯綜無弗合也於勸善懲惡紀
更知公之良法美意期斯民之
有善無惡登風俗於隆古也受
益良多佩服弗諉今春公特設

義學以廣作人之化乃不以予
為謏陋延作後進模範時承遠
館授祭一日出鳴和集世六草
二帙囑予為序鳴和集者蓋

太翁先生以丙午高魁筮仕射
陽仁心善政俱有實效及民解
組之後隨在吟咏公於承權之

下或明教之際以迄讀禮之餘
一一依韻酬和觀所云用希步
步勿離之意洵可謂永言孝思

矣業多名以序文予何能漫贊
一辭至廿六草取名之義已具
自序中獨是廿六年間少壯易
其時順逆移其境鄉里旅署異
其地登臨交遊造士治民殊其
事而公則素位而行隨處盡道
故其詩春容蘊藉如朱絃踈越
不作衰草寒蛩之響而天真爛
熳深有所得於言志之義絕非雕
績纂組佶屈纖巧者比美哉大

雅之音已予嘗謂詩之道可通
於政詩之溫醇而易良者其民
必安以樂詩之淡靜而閒遠者
其行必簡以潔詩之孤峭而峻
拔者其治必嚴以肅詩之沉痛
而懇惻篤摯者其於人必憫其
勤苦而謀其婦子今觀公之詩
太和渾淪無備四時之氣宜其
政之仁至義盡而張弛咸宜也
人有不知公之詩者未有不知

公之政者然政見於事事根於
 理理原於志志形為詩以之美
 教化移風俗胥於是乎取之間
 者詞賦對聯諸作附載其中均
 之本於性情以溫厚和平之語
 寫胞民與物之意亦何不可作
 詩觀耶今者

聖天子右文崇古特重詩賦之選

如公之才指日染翰螭階賡歌
 拜颺自將被諸管絃克諧黃鐘

大呂之奏寧僅此集為士君子
言志之準繩乎哉是為序

康熙丁亥歲六月望日治年家
弟三亭李瀚頌首拜撰並書



廿六草叙

渾庵趙父臺先生粵

西世家也其先世科第

蟬聯文章子業卓然

在久乃目間公承家學

少掇高魁由名曰鐸遷
尉是令下車之日百廢
俱興視學官傾圮捐俸
首倡以次修葺一木一石
未嘗取之民間素諳古
為家之謂魁樓建此
地乃力移於城之巽方
宏廠壯觀跨歲而後畢
功每語人曰斯樓一遷尉
氏科第其未可量也吾

將繕券以候矣尉自丙辰
後去闈無一獲雋門者予
竟以魁樓首成之明年
成進士榜費三日即南望
稱衡謂至予於第考皆
公力也然不知公采榛何
術以致此益予自為誥生
以及飲鄉薦為三十餘年
砥柱自守從未嘗謫見
是宰印以公仁閱洋溢

亦僅從父老後致禱祝之
私而于公之經濟實學未
能悉其蘊釋褐後自
都返里登堂好獨公一
見彰甚治海款留出以著
廿六草相示予歸讀之而
知公之學者原本其能窮
天地之奧而參造化之幽
耦然也今夫詩之為道自
漢魏而下歷唐宋元明傳

者哉于汗牛充棟矣而要
以發乎性情之真足以感動
人以其為能曰三百篇遠矣
若徒以雕鏤求工字句之
無與焉公之詩明白坦易而
意味無窮反覆吟咏之
下其有移入于不覺者益
公之學皆實學必求有得
於心宜公之政皆實政必求
有濟於世也夫今一邑之於


一邑之政未嘗不循分舉行
然或簡書是畏勉強塞責
如公之勤、懇、相地利惜
民力度物宜建千百年人
文久長之計而民間無怨
慶之擾亂以察心為實
政步未足以及此也然
宜之詩句無汝舉字無虛
後其一發乎、實學亦占政
異流而同源歟予拙于詩

因不敢多言詩至公之政
予一邑借底久矣異日業
列仕版竊願以公之政為
政公之循孝行四孝行膺
不次之擢其所以提獎
予者當亦如公之培植
文教以玉予於軍也是
為序

康熙己丑歲七月朔旦

賜同進士出身候補內閣

中書治平家弟張端初
初以持探并書



廿六州序

先大人嫺於詩文然不令兒輩為之恐有妨舉

業也祺每侍咏吟間窈窺其意旨嘗暗中摩索

而不取形諸紙筆庚申冬吳逆蕩平先父叔

以不染偽奉文謁選辛酉秋祺亦出山應童

子試得補弟子員壬戌春補行鄉試僥倖獲售

與同年丈在公同舟歸里偶談及七字遂破格

五州序
拈韻隨於湘刹咏榴十首謬見賞於先輩自是
不計詞之工拙遇物胡柴咏後忘書者十之五
六而登之本頭者僅三四焉回憶生廿有六年
而始拈韻今拈韻又廿有六年所閱歷不知凡
幾其間卽事漫興唱和贈答不一而足而皆概
之以詩夫詩以道性情然性必本乎真情必歸
於正余亦不知廿有六年間其性情之真且正
有合於三百篇之萬一否也今越廿年學博而
為一令簿書之煩縟不若苜蓿之瀟灑自如然
向者猶域於一方今來中州各省所矜式者皆
名公巨鄉所接會者皆高人碩彥若不及時請
益聆誨不幾沾沾自守終於井蛙之見已乎用
是不敢諱醜內除步

先大人原韻別為鳴和集其餘謹集爲一冊顏

廿六州戶
曰廿六州間有叙文歌詞對聯亦附載於內敢
以就正於名公巨鄉高人碩彥祈不惜塗竄批
駁示之指南俾邊方下士有所楷模誠不啻百
朋之錫也間有

大人先生新交故友唱和贈答擇其尤者各為
附載不忍沒其善委珠玉於泥沙耳謹序

龍飛康熙丁亥歲仲春月上浣尉邑俗吏趙祺
映渾菴氏敬書於署中之居敬堂



廿六艸卷上

天中蓬池吳憲儒闇章氏叅閱

西粵清湘趙祺映渾菴氏手著

大梁三亭李瀚泗宗氏訂正

錫棟
錫楨
錫梁
錫柱
校梓

補行鄉試獲售與同年文在公歸舟江上雨中

即景兼有所感時壬戌三月望八次韻三首

笑折天香一月竒言旋携手向江湄輕紅嫩綠舒新

眼細雨柔風寄遠思上苑看花應共憶扁舟即景詎
無詞他年並轡長安道好對春光記此時
廿六年來數亦奇何期香襲水之湄雨中八桂欣承
寵日下三吳繫所思庭訓久踈勞遠夢桂枝高掇愧
宏詞一蓑烟雨春光媚不似江干拜別時
僊機誰識個中奇今日伊人宛在湄香發桂林宜雨
潤紅添桃浪動雲思魚書遙寄驚新寵雁塔隨題憶
舊詞因念倚閭懸望者也應屈指計歸時

附在公首唱

賢書同獲最緣奇共濟言旋笑水湄烈烈電雷驚鯉
伏蕭蕭風雨動人思鄉心此際頻三往彈鋏歸來抒
一詞遙計南還重戲綵菊花插取滿頭時

孟夏上浣寓湘刹與同年文在公陳捷臣偶遊

伽儻殿見庭榴盛開喜而次韻予得十首

天香咸羨傍春開蠟屐群侵蕭寺苔忽訝芳叢凝瑞
靄自矜藝苑降仙才奇葩輝映衣裳艷小檻紆徐步
履徊遙憶杏林紅綻日與君共飲紫霞杯
紅葩喜自夏初開點點霞光映碧苔未向杏林增國

色且來蕭寺吐天才相看倍覺情難已頻玩不禁步
幾徊安得白衣人送酒榴花不讓菊花杯

曾向昭陽殿裡開暫移梵閣傍幽苔詎甘寥落無知
已要識徵求不負才萬朶含情殊艷麗三人攜手共

徘徊宮娥染就裙拖色待取臚傳捧玉杯

已見春花爛熳開又乘新夏踏蒼苔上方端禮莊嚴
相下砌忽驚錦繡才朶朶迎人嬌欲語枝枝牽袂步

難徊他年馳驛頻來賞寧惜金貂當酒杯

不逐群芳歷亂開溫柔艷冶護青苔添將湘水十分

色博得騷人八斗才萬斛珠璣隨日蘊一庭風月此

中徊玉盤進御天顏喜佐以珊瑚琥珀杯

竒峰天際雨方開塗抹新紅遶砌苔寂寞不堪釋子

話嬌羞偏戀少年才香浮上殿炷光繞步轉中庭雪

羽徊跂以倘邀仙史降金莖和露飲霞杯

數聲鐘磬曙光開展齒新痕印繡苔僧似遠公花作

侶人如瀛島玉爲才輕飄不引漁郎到蘊藉頻教仙

客徊他日宮袍恒借色金花映取紫金杯

芳菲初歇蕊方開無數胭脂點翠苔紅借西施唇上

十六州
卷上
色艷分司馬賦中才金枝露重烏驚夢火樹烟籠鶴
始徇何幸有緣同一翫歸來覓旬且啣杯
萬點明霞次第開碧枝翠葉襯莓苔欲窺造化生成
意須學天孫組織才文似嬌紅香欲過詩加蘊藉調
尤徇聖賢造就知多少敢把禪心付酒杯
逢僧一笑竹門開坐掃三生石上苔嫋嫋若將紅粉
意盈盈欲託玉堂才頭陀習懶渾閒事學士風流幾
徃徇十里杏紅歸馬疾相攜倒盡掌中杯

附圓大師和韻

不待朱明節自開流霞萬點射青苔顏羞國色三江
艷媚惹天生七步才敢學海棠嬌欲睡釀成瑪瑙乳
方徇風風雨雨能莊重姿韻相將酒一杯

趙方貽年表兄鹿鳴錦旋出咏榴十章見示即

韻賦贈主授汝

紅榴偏向影開座上緋衣徑綠苔二月鶯花魁百
粵一時詞賦冠群才芳騰白社聲先溢韻逐青蓮興
幾徇欲和却慚筆穎禿相逢把臂且啣杯
禩素所景慕王年伯偶同寓湘刹因出前咏榴

斯十首請教謬辱賞鑑兼贈琳瑯核韻致謝

根植佛國倚雲開七寶為臺霞護苔敢謂塗鴉能獻
笑應知簇錦足稱才自懶學匪珠璣比風仰名如星
斗徊湘剝何緣叨侍側共擗倒盡掌中杯

偶過伽藍殿與主念葦年伯唐主兩年翁即智

鐵鉢上人精舍小飲砌塔為令擲得金頂者為

丈師風異日木夫之兆誓圓無量壽佛塔頂金適

擲得之因用咏榴原韻賦此以期後驗云

王戊端節後四日聽人趙祺映謹識

七層突兀挿天開面面玲瓏不惹苔要使頂成金色

燦必須身作王堂才就中慇懃心誠羨分外操持意

豈徊一擲因緣如不爽功圓祝謝上金杯

湘剝讌集共砌塔為令擲得者預叶頂光圓滿

趙方貽年表兄拈擲得焉時同唐聲遠年世

兄舍弟子伊暨智鉢上人驚喜致賀仍用前

韻呈教 王授汝

梵塔玲瓏八面開翠微點綴一庭苔應教瞻禮無虛
日不負躋攀自雋才滿坐盡驚渾是胆三章有約漫

十六
低徊他年共醉湘山月金耀碧琉玉泛杯

酬念葦王年伯和韻

玉塔凌霄自昔開琉璃瓦護四時苔一誠能滿諸緣
願萬象偏供作賦才白雪調高應和寡青雲路近莫
遲徊他年好共紗籠碧頂煥圓光照玉杯

方貽趙孝廉同王唐諸君飲智鉢上人精舍奪

采得頂兆矢圓無量壽塔頂金爰依咏榴

前韻和贈

王惇臨號瞻一

榴芳聞道一尊開又見新詩洒碧苔金頂有綠光佛
國王堂特簡拜仙才非關廬博隨呼出自是心香默
運徊華髮許同開口笑湘山祝罷正啣杯

湘刹讌集觴令砌寶塔擲得者爲釋褐之兆約

錦旋蠲葺金頂趙方貽一擲而成仍依前韻

題贈以堅其志

謝允復號文山

龍窟光凌碧落開金輪溥蝕老莓苔合尖戲卜樗蒲
子奪錦驚歸杞梓才千佛塔頭花爛熳三神山頂馬
遲徊誓成圓相休忘却預餞瓊林酒一杯

附謝文山先生和榴花咏

高下枝烘盾日開一庭紅襯綠衣苔莊嚴香界西來
意照耀金花上苑才種憶塗林思杳湫瑞占邵武興
徘徊杏園預倩花神報撰醉天漿不記杯

附圓大師和韻

古寺浮屠唐代開層層瑩潔淨無苔大哉滿座通三
令卓矣高天尺五才玉帶已垂河帶永金輪重與日
輪徊翩翩學士風流遠不比攢眉怪酒杯

附王念葦年伯古塔曉望

層樓遠上小窻開山遶郊原水逸苔勢自盤旋如拱
極聲隨曉漲類矜才笠簔撥掉舟行陸烟雨褰裳去
復徊願祝豐年勞少息家家斗酒介春杯

次王念葦韻

烟雨瀟瀟漫徹晝開起看新水漲侵苔三江儲就溯澎
勢萬姓驚誇浩瀚才人自半天閣上望舟於平地檻
前徊鳳皇池上恩波渥記取闍黎茶一杯

附圓大師和韻

湘漓浩瀚撥天開水覆平原陸地苔一丈步同虛閣
望千尋浪續不羈才合江人競雲中渡隔岸舟爭檻

廿六州
外徇盡道南州歌有象放懷且泛綠蘿杯

將有江南之行錄呈 岳父

一別動經年啣杯覺黯然江山招遊子泉石娛癯仙
風景殊兩地月華共一天南旋遙計日正頌介眉篇
余有省親之行前十餘日造王十兄昆王之省

就試即席賦贈

况有經年別寧堪淚一襟憐君歌行路愧我涉長潯
秋桂競雙秀喬松慶百尋上林應共賞好與拜恩深
有淮任省親之行預擬別母

道別何曾淚肯乾拜行涕泗豈能堪思難但願身爲
兩喜極惟虞桃熟三露洒北堂心彌切情懷西顧食
無甘舟行夜夜溪頭宿鬼附孤鴻返嶺南

別季弟

抱璞相看不暫離忽驚折柳淚交頤椿庭預計添新
綵萱室從茲續舊思菽水攸供全賴汝風塵多瘁敢
援誰莫悲姜被春寒夜三月桃開照酒卮

別內

甫攜丹桂會雙星不謂河橋柳又青人世那堪離別

數天涯安得夢寬寧氤氳日近青鸞宴惆悵雲闌白
玉屏千里月明秋一色兼葭極目露泠泠

留贈寶積菴上人

探親將度碧山峒恰聽魚聲喚午風一徑踏來松影
下數椽結就竹林中僧忙見客持衣倒犬不驚人卧
草情愧謝非同鐘後飯何妨留句待紗籠

附岳父張伯舉和前五韻

足音空谷應賦別喜甜然遯世南山叟登舟瀛島仙
荆楊雖異地翼斗實同天遮莫旋歸日載歌既醉篇

和別母

握別慈幃淚未乾情深陟屺那能堪元兄季弟君難
兩明月清風我易三喜見孫枝含飴笑懸知椿樹蔭
棠甘雪灘釣叟頰洄溯瞻望飛鴻快圖南

和別弟

荆紫交枝不忍離陽陽晞露解支頤萼樓話別勞新
夢萱室縈懷繫遠思親貢霞觴瞻似我歡承菽水羨
阿誰暫移風雨連床席芝酌黃流飲玉卮

和別內

廿六
蘭芽桂萼拱奎星賦別何須羨柳青舉案嗣徽歌靜
好稱觴祝介喜康寧承歡可效華封祝贈佩應開畫
錦屏將母不遑嗟靡盬也懷漸羽露泠泠

和晉贈寶積菴上人

避暑尋僧憇碧峒渴擎茗汁醉薰風機忘玉板逃禪
外路滑石頭走道中摘盡楊花雲染色穿過竹徑鳥
猶慵聞鐘返駕陶然樂靖節攢眉解籜籠

和文在公昆王江上紀遊韻

君家兄弟盡名流灑墨江干紀勝遊白雪調空千載
咏今人還使古人愁

在公懷內作有荒烟綠樹使人愁之句因和韻
以嘲之

翩翩年少正風流幸得聯舟楚水遊戲彩調琴俱不
遠放懷相賞莫言愁

附姑丈王瞻一水燈

風靜平蕪月映湄湘潭千尺宿蛟螭誰家獨艷燃犀
事引得金蓮萬朶奇

次水燈二首

誰把驪珠撒水湄夜深石室耀龍螭清風明月含禪
意不類當年牛渚竒

扁舟依蘆宿江湄風靜潭閒卧古螭朶朶金蓮隨湧
出無人不羨個中竒

附徐父母鶴汀祝 家大人壽

琴鶴相隨茹蘖其重來汲黯卧淮南風清棣萼梧垣
陟露挹芝蘭杏苑探躔次壽星披繡紱緒分龍種列
朝簪維桑竊附先賢里遙祝三多寄片函

附瞻一姑丈依韻祝 家大人壽

昔年辛苦久同甘幾度文星燦斗南紫誥金魚昆季
佩黃騰桂籍子孫探風雷宋代君家鶴頌祝清時此
日簪磐石作尊淮海獻僊槎倩泛不須函

次徐父母韻祝 家大人壽

靜吟三百慕棠甘雙劍雄飛出嶺南孔孟琴書香自
遠龔黃政績與能探五雲瑞見蓬萊闕列宿光通廊
廟簪千里趨庭慚善祝瑤池競進熟桃函

懷母

家大人八月十三誕辰
九月十三泊蕪湖作

嚴君榮任值星輝拜別慈帷趨壽帷有婦可無菽水

十一
卷上
慮思親常是夢竟歸瑤池宴罷來何暮萱室行時言
敢違孝道應須還兩盡春風旋里舞斑衣

懷內

別後楓林日漸丹深闈應自燕沉檀芙蓉夢覺三更
寂翡翠肌柔五夜寒愁對秋風針線懶思深湘水帶
圍寬夜看兒女燈前戲無那回頭強作歡

憶別

憶別香闈趨壽幃賢鄉抱子送柴扉欲言無語同揮
淚對客低頭推整衣豈惜青春頰縉戀多因白髮計
回歸誰知江上凡三月尚自稽遲采石磯

懷季弟

天倫弟悌汝能全拆柳江亭意氣千菽水重承恒見
託家園末務費周旋閒將經史青燈按好把文章彩
筆研鴻雁不傳江上信昭潭僅寄一函箋

舟中語大兒

故鄉遠在白雲邊淒雨寒烟各一天籬下菊金誰共
羨江干景物汝應詮風霜雪露吾儕事離合悲歡個
裡緣偕汝言旋何日是三千里外思綿綿

舟中示兒

家孫宜往慶蟠桃季夏攜同泛小舸余病四旬惟立
骨汝慵成癖不焚膏悠游自覺荒年歲策勵維愍期
爾曹莫謂離家年尚幼男兒弧矢志須高

懷幼女

幼女今年五歲竒依違膝下不相離端疑已識乘龍
噐童穉全非賣犬時自我趨庭誰念汝多卿侍側復
憐兒閨中應有人愁思汝笑燈前知未知

懷幼子

幼子方生未歲餘他年未卜志何如誠求切切惟勞
母顧復惓惓却愧余嗜學可繩宗祖武成人早决岐
疑初舟中何用頻相念惟冀明春返故廬

舟泊蕪湖懷大人作

拜違膝下歲三移省侍適當祝介期季夏匆匆離故
井深秋忽忽滯蕪湄身羈惟覺心先往悶絕須知喜
有時聞道距淮七百里廿餘可得覲顏慈

懷仲弟二首

記別曾經月八圓別時場逼着先鞭柳枝未贈心猶

忽棣萼恒歌思每漩喜捧嘉音知顓俊飽餐經史待
求賢青雲自在燈窗下相會還須共勉旃
羨弟趨帷數月呵過庭詩禮應熟摹性情陶淑詩爲
益孝弟楷模禮較多身外浮名何足慕性中寔紀不
須蹉快君得展華堂祝奈我深慚子職何

懷侄女次楣

念兒失恃每情牽兩載恒憑乳母纏父急趨庭遑汝
恤兒生多慧起人憐呼嫂呼伯還呼叔或戲或啼又
或嗚今我遠遊三閱月秋風保護更須虔

舟泊蕪湖不行悶甚共商覓小舸前進喜而有

作

艤艫遲我任江濱緬想椿顏眉轉顰約伴攜同離蕪
地覓舸輕捷下儀真趨庭早覩神明治侍側恒觀圖
史新况有別離三載事依依膝下細爲陳

香圓

質如軟玉色如金乍見幽香已襲襟產自野人村下
圃拔將尤物袖中琛輕披冉冉清芬遠細味悠悠佳
境深一點芳心能自惜特來江上覓知音

十六
偶拈二首

何事人情最不忘
感恩懷怨兩相當
恩如得意千金報
怨到傷心萬斧成
釋怨用恩方是厚
報恩以怨豈稱良
恩恩怨怨如深處
恩自銘兮怨自長
萬斛愁懷難語人
三杯強解轉生顰
須知酒爲驅煩假
始信愁生自肺腑
眞酒醉何關
愁似海愁深任有酒
如濬從今跳出愁
城外對酒闌闌開笑嚔

秋江晴景

十八開船攬興作

雲歛天高風景清
沙鷗對對逐船輕
林楓霜落丹山寂
水荇風牽翠帶呈
立岸鷺行閒浦白
圖南雁字遠山明
榜人時送歌聲滑
雙櫓輕搖上玉京

秋江雨景

四望江山布密雲
金風習習雨紛紛
細飄初覺炊烟濕
緊打驚分陣鴈羣
夾岸涇濛村店失
沿洲慘淡蘆葦醺
一帆斜趁風威發
瞬息輕舟度遠汾

秋江朝景

遠樹輕烟幾處橫
寒鴉猶帶露飛鳴
鷄聲隱隱荒村僻
山色離離淑氣清
兩岸風柔霜葉靜
沿江水碧雪

十六州
卷上
絲明傍人輒把帆高掛冉冉舡頭旭日生
秋江暮景

漠漠疎林掛夕暉
朦朧約莫近蘆依
清江輕霧低低上
碧落寒蟾漸漸飛
幾處漁歌聲斷續
一灣菰葉影蕭稀
更深時向船頭坐
冷露沾沾暗濕衣

風

無踪無影復無因
入閣排扉忒率真
曾譜南薰成盛治
每將夜雨伴重茵
時和遍地傳春信
夏酷清齋來故人
最是秋冬金與朔
凝霜作雪惹眉顰

雲

出岫無心歸洞閒
善爲霖雨遍塵寰
試描五彩禽魚獸
便寫千重水樹山
紅捧玉皇金殿晃
青騰學士鳳池斑
嶺頭持白何堪贈
願撥輕浮覩帝關

月

皎皎團團無點塵
玉盤寶鏡認非真
兔華杵搗千家
夜桂影燈燒萬戶
春魄照到今
渾是古鈎橫于朔
却言新莫教辜負
乘鸞客彷彿秦樓
認此身

露

如珠顆顆實難描着草沾花色倍嬌貞女畏行歌厭
浥良臣既醉咏零蕭降甘帝苑仙人捧灑玉秋江楓
葉彫北塞爲霜侵魚甲西廂和月濕鮫綃

日

擁出扶桑耀八荒鳴岡梧鳳喜朝陽時雍衢頌出還
入世泰人傳舒以長烈烈樓頭時舉扇遲遲函土女
求桑嚴冬最愛朝曦暖老叟披暄勝袞裳

月

灣灣斜掛一鈎新每夜清光色漸勻和露花間添色
媚伴人江上覺情親樓頭歌舞低低墜闥裡愁思默
默申時共風清關塞笛又來林下認佳人

霜

凜凜寒颺月掛巒凝成玉屑上欄干碎舖十里河橋
白殘落孤峯楓葉丹宿岸鷺鷗朝隱色摩天鴻雁冷
侵翰胡笳塞北城如雪何似深閨五夜寒

雪

瓊瑤搗碎撒空飄萬里江山淡淡描飛上寒梅香更
絮移將明月影同嬌輕騎逐塞弓刀滿縱賞登樓酒

醴澆江上魚蓑披得穩
窻前詞客費推敲

星

清光點點綴蒼穹
散落周天數不窮
位列羣方分九野
次纏各度徑長空
喜看牛女烏橋渡
會伴嫦娥銀漢通
秋夜風清天氣爽
明珠堪摘到盤中

雷

三春膏雨正農忙
掌御阿香漸作狂
霹靂一聲山谷應
震驚百里蟄龍揚
殷殷時在南山側
湛湛恒棲碧嶺旁
破臘無功須爆竹
錦鱗桃浪藉騰翔

過金陵

滿眼蘆花秋水澄
扁舟薄暮宿金陵
月明萬井樓臺出
風靜一江漁火興
遠望金城橫素練
頻悲古蹟守青燈
匆匆未遂遊觀願
老樹寒山悶不勝

寄內二首

癸亥初夏

火稽原不爲韶華
屈指驚心萬里家
楚水吳山勞客夢
清風明月冷官衙
每懷陟屺慚烏鳥
時對清輝憶彩霞
盡道江南春色好
肯教花影上窻紗

冰清玉潔兩心知
裁得新詩慰別離
山海十年盟肺

腑雁魚千里瀝肝脾桃花休逐菱花瘦皎日不殊旭
日時倘得舞衣迭戲彩陶樽浮白是歸期

風花雪月 十字令

風夜中來自東時送春融細細入芳叢占梅魁孰與
同桃花杏花次第紅海棠睡未足淡烟籠牡丹芍藥
都也競研容想瓊林此日爭羨一人雄

花堪誇色正葩點綴官徂瓶插一枝斜宜酌醴與烹
茶遙憐玉貌隔雲霞強對春光夜莫言嗟揮毫撥墨
任意記年華願蓬蒿相守何必慕仙槎

雪瑩潔玉爲屑柳吟一闋干古人稱絕香輪梅色遜
烈灞橋馱背思何傑三尺江南瑞歌聲徹思婦勞人
寒浸衣成鐵喜大地回春快觀芳菲節
月出岫清光越香生桂闕透入僊郎骨昔明皇何唐
突虹橋直接嫦娥窟爲我語吳剛休盡伐畱得新柯
管教明春發看青路爭先笑折一枝醇

附張幕友和風花雪月

風自空到亭東花影搖紅飛舞向簾櫳流觴處綠波
融笙歌吹向入雲中蕭蕭疎竹蕩蕩飄蓬幽溪與曲

徑來徃潛通。只待得高山虎嘯孰爭雄。
 花麗華。徧人家。紅白交加。上苑更相誇。集仙種。競竒
 葩。蓬山瑤島路非賒。楊妃解語。飛燕唾牙。瓊樓明月
 夜。芳色堪嗟。想夢筆清平。三調唱宮喙。
 雪雨結。寒凜冽。隨風浙浙。飄蕩多迴折。望樓前。瑤枝
 列。頃刻花開賞竒絕。酒力既微。羊裘不熱。看江上漁
 翁。縞衣繫柁。待烹茶安得。陶姬容玉潔。
 月丹闕。升東渤。清輝發越。玉鏡中天揭。光激灑。影飄
 忽。彩華若現還若沒。兔杵玲瓏。桂斧恍惚。應知是仙
 娥。霓裳曲滑。借雲梯一枝。高折銀蟾窟。

題王家營辛店影壁

甲子初秋自淮入都會試

七月金風拂曉晴。頻催遊子玉京行。慈顏况是三年
 別。庭訓初牽萬里情。楚嶺桂香仍舊放。燕臺杏蕊及
 春榮。高堂欲致雙親喜。直聽臚傳第一聲。

蒙陰即事二首

曉寺鐘鳴急。升鞍雨正狂。雷車驅電烈。潦水卧衢長。
 返轡吾從衆。催蹄泥濺裳。帝鄉日漸近。艱苦不辭嘗。
 昨入蒙陰境。悲看祈雨文。遠鐘催曉騎。大澤逐奔群。

合漲通衢沒迴車接店熅生平懷利濟信宿亦欣欣
和宣雲娟
墨跡如蓬着眼空拂來珠玉拾塵中繪花香永迷芳
蝶咏雪才高欺畫工幽憤欲啼山下月傷心已折陌
頭風可憐青塚千年恨妬殺沉香一捻紅

附女史宣雲娟蒙陰道中誌感

柳絮輕狂舞碧空草橋倒影立波中水天蕩漾流今
古花鳥推敲入化工憔悴妾身離國憂消磨春色落
英風黃鸝未解長途恨猶傍濃陰課女紅

渡汶河

垂鞭汀上蓼花紅日日馳驅烟雨中黃葉坡前雲接
地白沙影裡水浮空合江人競錢神渡逆旅誰堪東
道翁夜半敲開村店宿曉騎依舊驟西風

秋雨泰安道中誌感

辭家三載滯淮濱又向金門策蹇頻烟雨道中悲去
馬雁鴻聲裡怨征人雲橫泰嶽鄉思遠蒐繞椿庭客
土親籬下黃花岑寂甚聚看直待錦衣新

過泰安雨中望嶽次姚瑤園韻

千仞雲籠翠嶂屏巖巖隱在意中形接天開處蓮花
碧觸石浮來大地青香火萬年祠聖母登臨百代仰
文星一鞭禾黍秋風裡山色空濛識嶽靈

附望嶽原韻

峯律竒峯翠嶂屏乾坤變幻狀難形雲浮落日俱成
碧岱逼高天不斷青大地奔騰走似馬衆山環抱小
如星秀鐘齊魯尊千古香火獨誇聖母靈

附邗江汪蛟門先生題晏城店壁

暑雨炎風日日生時從馬首問陰晴中年離別傷哀
樂六月馳驅豈性情翻遍殘書忘晝永行過山路覺
身輕東來相識人何少踈樹平沙認晏城

和前韻

積雨愁隨山徑生出原喜觀日初晴雲開遠嶂千層
碧風靜平沙一片情春色不教秋景淡鷗翎漸共馬
蹄輕從茲攬轡登皇路計日芳聲馳鳳城

附張幕友和

經旬山雨客愁生喜出平原一望晴塞鴈縱橫聊適
景秋雲濃淡謾言情千家棗栗新凝碧幾隊輪蹄覺

漸輕遙指村烟來借宿愛看題句重連城

張幕友隨家君之山陽任和壁間韻適偕過

書之見而有感

日中途店暫休鞍滿壁淋漓欲和難忽覩叅軍重灑
墨遙憐家今日之官雪花六出貂裘薄秋色三經羈
旅寒轉瞬開晴春正暖好驅車馬向長安

和壁間韻寫懷三首

一辭庭侍跨征鞍馳騁皇途敢畏難忠孝自來遵鼻
祖勲名豈僅羨高官青燈黃卷十年事玉珮鸞鈿五
夜寒賦就曲江歸翰院泥金飛捧出長安

青青柳色拂征鞍每憶嚴慈萬里難塞雁一聲驚獨
旅杏林三月壓千官文章每逐乾坤濶氣節直凌牛
斗寒報罷聖恩歸晝錦堂前正好問親安

出自湖西便撻鞍千秋事業敢辭難學原祖父咸宗
孔志在君民不論官入掌權衡深雨沛晉居臺諫凜
霜寒一腔經濟生平蘊期莫皇朝磐石安

附張幕友辛酉臘望同家君之任淮山遇雪

和韻二首

凍雪飄飄點繡鞍層冰欲渡馬蹄難九閭雲影隨旌
旆一路天花覆宰官烟樹平臨村落遠溪流不動石
橋寒前途寄與梅花信旬日山陽到子安
茅店鷄鳴促跨鞍濛濛凍霧曉行難千家瓊樹深藏
屋萬頃晶鹽不稅官野犬踏開幾點跡林鴉啼出一
天寒盧溝易水多佳興凍壓椿萱少問安

附塵外老人原韻

碌碌無端據馬鞍誰知世事更艱難任憑彩筆能成
錦不是黃金莫想官天子還將詞賦重公卿那管布
衣寒從今厭聽陽關曲學荷犁鋤勉自安

偶從唐伍劉三年伯由小巷歸適有所見

八月廿八

寓京
邸

深深僻巷偶相過低屋門開脂粉多髻頂上垂烏手
帕面皮外染醉顏醜輕羅個個迎人立小曲千千待
客歌珍重風流三縣宰盤茶須不是嫦娥

賦得有所思今在江南八韻

乍見

櫻桃點點膩朱多新綰榴裙兩帶拖髻挽層雲侵碧

玉眉描雙黛點秋波相宜醜觀桃花笑最愛檀傳柳
葉歌一種消魂嬌媚處金蓮小小不勝挪

借緣

問年十五解梳頭識得琴心占鳳樓傾國甘教越女
妬覓緣喜有相如酬灣灣春柳山橫遠窄窄秋蓮玉
倒鈎晚出東園邀素月清暉挹處百花羞

晨起

白壁床前繡幔垂盈盈睡起換粧時鮫鮓裹出雙銀
粽羅縠披呈一幅詩鴉髮半鬆雲覆雪鷄頭新刺玉
凝脂丁香掩過雙鸞下俏倩才郎拭黛眉

曉粧

樓頭春膩曉粧遲摘得花枝壓髮窺釵冷黃光侵笋
玉梳橫素影妬娥眉開看珠翠斟花樣出檢衣裳度
柳枝十二簾櫳高捲處香飛紅擁下仙姬

晚粧

更向窻前理晚粧金釵斜挿綠雲傍旋調朱粉雙桃
潤初出溫泉百卉香月縠移來環珮韻冰紈開處蕊
珠涼含情花下陪郎話解語娉婷驕海棠

十六
午睡

寂寂庭陰永日消
拂床春試海棠嬌
蚕眠瓊樹青方穩
鴛靜文瀾錦欲雙
點簾參差蓮吐蕊
停雲上下至生潮
香莢隨蝶穿芳徑
猶記呼郎渡小橋

閨翫

嫩綠新紅逼幙催
倩鬟扶玉踏蒼苔
香痕淺淺輕風度
芳徑深深浪蝶猜
花挹容光嬌欲滴
柳經眉黛媚如培
凭欄影浸池塘裡
魚見沉兮鴈過哀

悄語

閉共才郎笑語癡
東風暗度顫花枝
碧澄秋水波微瀾
紅綻春華玉半窺
巧囀新鶯迷柳院
斜飛嫩笋認筠漪
庭欹樹影芳心怯
贏得桃花兩臉垂

菊月廿一祝唐九峙年伯

麟壇赤幟久如新
南極文星拱北辰
醴酌黃花榮賜綬
級登列宿晉垂紳
當年嶽降湘靈萃
此日籌添海屋春
磐石作尊酬晝永
葡門共喜祝仁人

附唐九峙年伯作

龍鍾宜被時人欺
自覺蒼蒼眉已低
函谷鈞衡年有

幾涓濱釣叟數何竒休言白髮無經濟且喜丹心沒
轉移英雄大抵皆藏拙獨較年華總是痴

偶見戲爲代答二首

聖學惟知戒自欺何須刺刺辨高低勲名未遂休言
老事業能酬不是竒德愈尊兮心愈下言隨放矣氣
隨移涓濱釣叟人爭羨曾否當年詈世痴
咲語相忘兩不欺有誰高也有誰低甘羅相業疇堪
並尚父神謨盡道竒有志何須分老少無才誠恐自
游移年家伯侄欣相聚把酒何妨共話痴

燕邸孟冬喜聞王十兄捷音

靈毓湘源迥不羣十年養晦識奎文鹿歌此日開嘉
晏麟幟當時憶冠軍豈爲天才鳴愉快欣從塞羽慰
慇懃燕臺預擬春風聚願叶堦篔入五雲

乙丑會試寓京師元旦發筆二對

桃浪一聲雷文海錦掀龍甲奮

杏林千樹雨香泥紅濺馬蹄飛

彤管生雲淡墨春風題雁塔

蒼球憂露新綸曉日拜龍墀

廿六
孟春望八祝袁密山年伯

粵嶠靈鍾柱石才超從九棘列僊階文章吐鳳珠璣
燦氣節杼空日月開霞繞南星呈五色瑞扶北極炳
三台幸叨世誼班猶子適共梅花介壽杯

祝懷集徐年伯并聯

丙寅初夏
皆司懷鐸

泮水鍾靈應絕倫姓名早已動宸闈巍巍山斗攀何
及藹藹風標即也溫郢調不嫌收下里蒼生久待負
春暄瑤池探得桃剛熟爲貢岡陵介壽罇

紫映龍門南極一星朝北斗
丹傳鳳詔虞絃百里燦潘花

懷集縣創立社學序

粵考古聖王建學明倫之制甚盛典也嗣是千百載
以下歷朝更代皆相承而不可易 皇清啟運四海
同風雖遐瓿荒服胥莫不成人有德小子有造以鼓
舞於聖明之世以故賢士大夫或官斯土或生是鄉
亦莫不樂以振興爲事涵育爲懷焉即如懷集古百
粵地四環以山中通一水境之至遼絕者迭經兵燹
人文凋落遇之至艱敝者然其成人小子亦莫不具

有德有造之噐以待振而興十年來教諭署理縣事
范公修復文廟通判攝理縣事陳公從而葺之茲又
得邑侯黃公修設牌位講習課藝士風之昌明無有
踰於斯日者今梁子毓魁何子開文敬子舜卿又復
議建社學於學宮之西宏立規模以處四方來學之
士敬子不惜捐地以成其美余聞之喜而不寐曰是
其賢士大夫樂以振興爲事涵育爲懷之盛舉也官
斯土者作之於前生斯鄉者繼之於後俾是邦之成
人小子習焉遊焉必於斯踐焉履焉必於斯有不見
焉而思感聞焉而生慕以相鼓舞於聖明之世者誰
乎則所謂有德有造之噐以待振而興者茲則勃然
而興胥致於菁莪樸棫之盛焉可知也我國家文明
著化不遺於遐陬荒服不於此而益信其然哉余甚
願是邦之賢士大夫之共成斯舉也余甚願是舉之
不日成之也余嘗考諸縣志從無是舉而是舉乃獨
出於三子之創始亦可以識三子之才識品行必有
大過夫人者矣余於丙寅歲來司懷鐸與西齋歐蔚
宗同心竭力委曲勸導不敢稍自倦逸負 朝廷以

負多士少暇必進是邦之賢士大夫而請益焉余因是以識三子梁子爲人博學宏辨慷慨多竒節以弟子員拔授富川學博其才名見稱一時何子恂恂靜雅望而知爲篤實君子以監元候選於家敬子亦候選監元翩翩佳致議論丰采迥異時流爲故明己卯榜首南湖公之嫡嗣例得并序云

覆梧郡太守陳公重修郡誌文

等因到學據此卑職看得荆山之璞不值楚子奚能彰美於千秋合浦之珠一遇隋候乃得艷稱於後世蓋竒珍異瑰必托識者而方傳卽懿德芳踪應藉後賢而始著而况發微闡幽表忠臣孝子不傳之隱搜竒探秘彰節婦逸士不顯之芳德歸于門光榮史乘斯誠風化之攸關仁人之盛舉者也卑職樗櫟庸才新司懷鐸年及弱冠較果毅兒之杖策愧溢四齡心頗自乾鑒南陽公之焚香日密三省先王父累行不倦名載於感應說定警心隨錄福壽勸善諸編予小子念典維殷矢志乎臨財不苟見義必爲揚善隱惡諸事乃大命如轟雷之貫耳提爾愚蒙而九泉若寒

十六州
谷之回春澤及鬻體敢不實心傳訪以副大君子下
問之盛畏尚祈假日旁求毋漏古先詰久湮之懿行
則明府功在萬世而卑職亦與有榮施矣

祭懷集王邑侯

於戲哀哉公生燕京太原華胄根本既深枝葉益茂
百靈咸鍾篤生我公 當今神聖竒才並庸列宿耿
耿公應其中殊恩異寵錫自九重懷隸邊陲借寇上
國履任三載聲靈赫赫牛刀初試盤根錯節公力行
之任怨任德靡裘旣泯誰嗣方興昊天不吊殄此下
民仲秋甲戌奪其所尊公不少留慰彼蒼生憶公之
年三十有六膺力方剛駢受多福實始自今曷極而
足白玉樓成召公何速憶公之容重厚而澤表表丰
儀昂昂氣節登之廟廊觀瞻是式不謂遽逝使我心
惻公之猶子翰苑名儒有子二人奕奕雙珠我公雖
死遺之後裔同官爲寮匪敢爲私懷此涕泣致奠於
茲嗚呼哀哉伏惟尚饗

和韻贈吳百川年兄 丁卯

吾兄意氣蓋皇州攬勝南來獲唱酬山海遍歷司馬

轍文章絕似廬陵歐三旬夜雨情千結一曲陽關腸
萬周事業人文千載續相逢應共倒金甌

附見贈原韻

入粵由來歷幾州輸君意氣最難酬同窺星斗知奎
壁每探詩文識杜歐旅次常譚天地濶行維還讓禮
仁周今朝漫擬長風勢何日相逢再把甌

閨怨

此御製題較閱翰詹諸臣刻二寸香爲
限前聞之徽州程年翁口頭未詳昨見王
四年兄佳作乃強效顰半日之久僅得四
首且不免斧鑿痕亦可以見人才之不類
矣書之用博
同人一祭

四郊二月柳垂溪九十春光日半西丈尺懶裁雙舞
鳳枕衾愁聽五更鷄百千可愛一無喜七八相思萬
不齊自與六郎分兩地三年不遣亂鶯啼

十二朱欄花一溪九迴腸斷小樓西八行萬里傳雙
雁七夕三星怨五鷄尺丈難量千縷恨兩斤誰較百
年齊紅拖六幅裙寬半四壁蛩聲添淚啼

盈盈十五解臨溪八字雙眉注閣西百合四垂憐兩
至三更半覺聽千鷄一方尺幅憑誰寄萬望斤柯趨
早齊九丈華峰蓮二蒂六郎七夕好同啼

夜半誰家笛逸溪聲飄二十四橋西尺檠一覺羞雙
鳳丈室三番怯五鷄百想千思愁不寐七顛八倒恨
難齊九秋六詔烽烟急兩淚長爲萬里啼

附陳別駕圍怨二首

盈盈二八浣清溪六翮雙飛東又西四載龍沙勞尺
素五更蝶夢繞鳴鷄三春語燕皆成兩百丈晴絲半
未齊七夕九朝千里隔一時萬緒十行啼

千樹桃花百丈溪一隻鴻鵠六橋西九邊四季勤刀
尺五夜三鳧斷曉鷄半瘦難將斤兩較七絃怯奏鳳
皇齊八行萬里憑誰寄十二樓中妾自啼

捧閱

佳作如行雲流水香閣粧臺自愧邛郫之步若耶之
顰矣一笑

和眺水呈陳別駕 戊辰季春

天心矜僻隅大澤徧恩濤山逐烟雲俯舟隨鷓鷥高
登臨荷太守從眺愧吾曹青簡誰堪擬曾聞奠四鰲
和金年兄烏惜春歸啣住落花啼不得原韻

紅白飛飛拂檻過東風羽翼太情多詎貪香艷營新

壘不忍芬芳辭舊柯婉轉如啼若有禁徘徊欲置却
傷魔愁心祇恐韶光盡烟雨微添一尺波

老女嘆迴文二首

上限屋北鹿獨宿
下限溪西鷄齊啼

屋傍落花桃渡溪斜欄曲檻舊園西北窻憶畫驕蛾
柳霜鬢驚添怯枕鷄鹿鹿悲無同綉侶關關夢覺尚
眉齊獨憐形減朝晞露宿照燈殘紅淚啼

屋飛花絮舞前溪愁見明霞落苑西北閣粧零羞舞
鶴東樓鼓徹聽鳴鷄鹿宮荒失悲唐漢蟬鬢霜殘怨
楚齊獨影竟消慚鏡對宿房孤月夜猿啼

老女嘆春夏秋冬迴文四韻

宿燈挑徹響流溪烟雨摧殘梅閣西獨坐庭前喧語
燕隻飛夢裡鬧鳴鷄鹿臺夜泣春扉掩鸞鏡朝驚雪
鬢齊北檻落花飛片片屋環青樹遶鶯啼

宿畔庭陰松遶溪炎炎瘴雨洒山西獨居羞覩翻蜂
蝶華鬢垂憐窺鶯鷄鹿睡驚紅花斷折魚遊嚙綠芰
芰齊北亭閒遣愁長夏屋滿苔痕添淚啼

宿樓高見石穿溪秋雨征鴻悲榭西獨卧渾如迷夢
蝶紋波起似縐皮鷄鹿哀羞臉隻消悴猿斷愁眉兩

鎖齊北嶺霜楓千樹老屋侵斜月夜烏啼

宿衾孤擁凍凝溪開向南枝舊院西獨苦蒐飛隻枕

鳳頻飄雪點五更鷄鹿麋憐慣容傷暗絲髮驚添色

道齊北岫重籠冬霧合屋依寒樹隱鴉啼

送鄧粲如年伯歸湘源

已巳仲夏公以府鐸乞休余適司宣鐸

十里荷香拂錦旌風清邕水送君行方期絳席依程

切無奈仙舟泛李輕五斗安能羈靖節三湘豈遂老

伏生故園松菊應仍舊快觀歡呼童穉迎

賀賈應侯燕爾三首

五月韶光何處賒黃堂西署即仙家簫吹鳳律秦樓

川絃續鸞膠漢代槎樂府新編金縷曲沉香初試海

棠花同心縮就翻疑夢紅燭高燒認麗華

邕州城曲柳枝稠識得琴心占鳳樓烏鵲橋邊香輦

度金鶯枕上翠氤浮芙蓉並蒂薰風轉桂子飄馨夜

月遶池畔依然雙翡翠百年從此效綢繆

從來赤繫聯胡越况是良緣際勝時十里荷香迎翠

輦數聲環珮下瑤池鴛鴦帳展新翻曲孔雀屏開並

賦詩官署月輪圓正上待兒催取莫教遲

題鴛鴦蓮三首

玉井誕仙種竒葩出廣南白兼紅各半色帶葉成三
萬朶全無異一枝故作慙濂溪應有悟太極敢同探
華嶽千年種天南一朶竒芬香依舊吐濃淡異常施
白豈羞粧面紅非媚阿誰合當周茂叔今古一相思
聖眷垂南極池花亦自仙素涵甘露潤艷載慶雲妍
幸際同心世寧牽並蒂綠瑞華千載映還薄李青蓮

附祁間五作

各蓮傳玉井誰植在天邊衆本渾無異孤標獨兩妍
亦同春杏艷不失雪梅娟移向沉香北應知賞共憐

附謝寅工作

聞道蓮花放紅兼白雪噴一枝分各種兩樣却同根
艷羨鴛鴦配還思君子尊六郎今日見真偽向誰論
依祁間五應范中丞令交南入貢韻二首

化洽遐區春正融交州貢道一時通南金象齒陳方
物重譯蠻章集會同拜舞近揚千載盛賡歌遠徹五
雲中中丞柔服功成日銅柱於今未獨隆
皇仁到處盡春融萬里交關貢道通海不揚波知

主聖民咸樂業見天同南車自昔歸方外白雉而今
入苑中期至三年母廢職君臣世沐 賜恩隆

祁年兄批 聲調雄大體度莊嚴 尊作二章

堪空從前作者矣服服

附祁間五作

當陽春日藹融融普照山旣海筵通萬國車書歸畫
一異方王帛正來同大臣肅穆綏荒外 天子懷柔
治宅中不數越裳稱僅事千秋今又際昌隆

感懷二首

木鐸由來久茲風日漸微陳交無上下公子自輕肥
長日惟親史閒時只掩扉泮池今泌水樂矣咏斯饑
小范甲兵足當時志未伸岳樓一篇記憂樂半生身
學以年而進心存久即仁嘗聞先聖訓憂道不憂貧
祁年翁評 尊作二首感慨悲歌含蓄無限而
後作更爲有道之言合之俱名作矣

中秋悼亡內次韓太州韻

瘦骨環悲女共兒中秋忽報入孤幃去年酬月花盈
坐今夜愁雲草滿墀死死生生亦死疑疑信信信

還疑情真不避知交責和泪燈前寫怨詩

送韓太州之京師

庚午

入夏新荷帶雨斜送君萬里赴京華賢勞爲國休辭
苦世事如棋不用嗟燕地平沙宜縱馬楚江清水好
乘槎歸來擬聚秋風裡操醉東籬幾樹花

謝寅工批 宛轉韻致全不費力詩之能事畢

矣

祁間五批 尊作宏大意致悠遠韓公得此可
以長嘯行矣

寄經之妹丈

崢嶸頭角異當年遙想湘林藜共燃五載江雲勞夢
寐半生心事別天淵羨君有志陳三策愧我無能守
一瓊來歲春風鳴得意泥金早把捷音傳

明倫堂聯

人爲萬物靈靜觀內聖外王總不越中庸道理所貴
索原竟委身體力行毋負上天生我意
士列四民首仰念前賢往哲無非是下學功夫務宜
由勉幾安義精仁熟敬酬清世用才時

大成殿聯

德邁三皇當三代絕續之交植三綱位三才定三統
功被於奕世萬年至聖至神海宇允推三教首
道高五帝自五老陟降以後正五倫立五常刪五經
化洽乎八蠻九夷明禋明祀邕城雄建五花峰

尊經閣聯

藜徹五更窺字翻蝌蚪簡舞蠹魚莫道其間非天祿
日窮千里看山列台垣水拖帶繡應知此地有文星

奎聚堂聯

秉詩禮以傳家出事出宜入事入宜身居模楷惟修

已

由仁義而行道小用小效大用大效志在君民不論

官

元旦賀祁間五

庭舞春風雙玉樹

陛宣恩露五雲章

賀張覲侯

春風堂上龍章燦

裕國期恒足

日麗堦前鳳詔新

綏邦慶屢豐

賀賈應侯

庭前鳳降丹書早

堂上花生彩筆新

功過格序

已入功過格此不錄

蜀葵二首

牆角成陰五月天兩株紅白一時鮮恍疑清夢來巫

女不道人間有閨仙逞媚宜當風日下添肥愛立雨

烟前紛紛莫訝尋香蝶綠葉青枝實可憐

闌干曲處小陰團長就芙蓉枝葉般紅白有香還色

勝單重無種不花繁退朝未許儀休拔歸隱堪同藜

藿餐花蕊當年歸宋後多應不忍對君看

新編採花歌骨牌名採茶歌
體開五更製耍孩兒調辛未人日誤

第一神仙呂洞賓引將仙侶降凡塵玉皇勅赴元宵

會採花獻壽賀新春

我是神仙李鐵拐逍遙洞府幾千載今宵奉旨採名

花敬獻壽山并福海

老仙請了今值元宵佳節領了天尊王旨會同西

天佛祖桂殿羅君并癩仙癩女率領嫦娥仙子七
 位仙姑王母位下四個侍女採花與人間福祿壽
 星慶賀話猶未了佛祖羅君癩仙癩女來也
 身帶癱疾身帶癱疾嫁與癩子做妻室終日沿街背
 着走討齋化飯度時日紫忽一旦授仙術夫婦同登
 名列仙職元宵慶賀玉皇宣勅今宵特地來塵世採
 珥名花介壽眉又
 老仙請了有緣同此會俱是採花仙土地何在來
 了

土地正神又管守各園林元宵佳節大齊去鬧燈又

上仙呼喚何方使令開了花園請仙姑採花上壽

園門開了請仙姑早上仙長請了仙姑請了今奉

玉旨採花慶賀元宵可將十二個月佳節各花敷

行成曲緩緩唱來則個謹領仙長之命

正月採花是新春紅白梅花色色新壽陽公主簷前

卧一點梅粧冠古今

拐老仙好梅花你載一枝呂老仙你是風流神仙

你愛花花也愛你俺老人家頭又秃脚又跛不道

十六
你去愛花却反要被花所咲了

二月採花艷陽天杏紅梨白李花鮮海棠春睡何曾
足燕子啣香遠畫簷

拐老仙我們甫離天宮不覺春社又到燕子都來
了你看你看

三月採花暮春晴桃花湖上好遊春牡丹開遍洛陽
地魏紫姚黃最有名

呂老仙魏家紫牡丹姚家黃牡丹比君家戲的白
牡丹何如拐老仙這是往事不消提起了哈哈

四月採花石榴紅榴子花紅遍漢宮張蹇安石攜來
種因此名傳處處同

呂老仙當日張蹇使西域窮河源乘槎直犯斗牛
宮後來在安石國携得此花還漢這是俺耳聞目
觀的你那時節還沒有出世哩呵呵

五月採花值端陽艾葉菖蒲帶酒香龍舟競罷歸來
晚乘月園中玩夏蘭

拐老仙這龍舟競渡是屈原汨羅的故事當日行
吟澤畔我聞得那漁父就是你變化的呂老仙哈

廿六州
哈不錯不錯

六月採花到湖中風光不與四時同接天蓮葉無窮
碧映日荷花別樣紅

請衆仙上採蓮舫這是桂漿蘭撓我們大家搖過
去

七月採花是中元處處人家祀祖先槐花開出黃金
色舉子伊唔夜不眠

呂老仙俺聞得你師父說你做過秀才中過舉選
過狀元這事果是有的麼拐老仙這都是黃梁未
夢以前之事耳

八月採花遇中秋昔日明皇月殿遊攜將桂子人間
種引得花香遍九州

呂老仙你是唐朝宗室唐明皇便是令祖老先生
了只是楊貴妃你那令祖母覺得太沒正經些哈
哈

九月採花正重陽家家籬下菊花黃淵明玩賞曾無
酒幸有白衣送過墻

拐老仙這淵明先生極有趣只可惜生不同時若

是遇俺三醉岳陽的時節自己少吃些多送上他
幾瓶也不消葛巾攬酒了

十月採花應小春無邊黃葉落紛紛瑞香吐秀嚴霜
裡粉蝶如知也斷魂

呂老仙這瑞香花天下最少小弟朝遊八極暮宿
蒼梧只看見懷集縣到是多有的

十一月採花一陽生樹凍瓊花水凍米水仙偏自呈
春色金盞銀盤傲雪明

呂老仙凍壞土地了南寧府這些膩毛街坊捨得
多燒幾貫錢與他免得凍殺了這箇窮鬼快起來
快起來

十二月採花是殘年踏雪尋梅孟浩然師雄月下來
清夢還憶陶姬雀舌煎

呂花已採完眾仙請了雲中觀見善信陰功浩大
上帝賜他五福俱全今宵前來理當選取名花向
前謨詞祝壽還是何仙為首眾呂老仙為首呂有

借了呂王皇勅旨會羣仙拐敬祝人間五福全呂
壽比南山長不老拐福如東海廣無邊女陳倉

廩千千粟地土富貯金錢萬萬緡衆女採得仙花齊

慶賀衆康寧福壽永團圓

張文輝先生評 月月應時花花點景寫情引意

有風流旖旎之致不減樂府佳篇

又評 以梅起以梅收引兩古人照應甚有情思

再評 前後中間添插白說更覺有興致又冠冕

極佳極妙

衆仙請了獻花已畢可將五更慶賀元宵詞曲煩

仙姑唱衍一番敬遵台命

一更裡慶元宵簫鼓喧闐賀聖朝蒲城燈爆紅光耀

金吾不禁長安夜御殿頻燃龍鳳膏君王黎庶同歡

樂國不貧人不勞年又豐家又饒鰲山玉柱矜奇巧

五鳳樓前排御宴百雉城中列絳綃太平景象真箇

妙都只是一人有慶咸博得四海熙皞

不覺銅壺滴漏又轉二更七仙女四仙人土地神祇

最有靈齊唱仙歌賀太平開元宵又增歡慶又

從君王與民同樂起得大体是官樣文章深合太

平景象

十六
二更裡度元宵絃管笙歌聲漸高家家盡是紗燈吊
六街三市如春晝萬戶千門列酒殺尊卑老幼同歡
笑椿萱茂竹松苞蘭桂芳琴瑟調稱觴獻壽敦家教
禮行三爵皆循節興至千鍾不厭醕雷轟電掣催花
爆繞庭前斑衣濟濟高堂上白髮陶陶

不覺銅壺滴漏又轉三更七仙女四仙人土地神祇
聶有靈齊唱仙歌賀太平鬧元宵又增歡慶

二更說民樂不獨歡耍且勸孝友之風可謂樂而
不滯

三更裡慶元宵處處花燈賽富豪龍飛鳳舞祥雲罩
乍見鹿鶴來獻壽又驚仙子赴蟠桃滾毬獅子頻頻
跳陳歌舞列笙簫懸花彩賞春宵官民內外鋪筵召
三千朱履矜豪態十二金釵鬪麗姣筵前賞賜開金
窖飲的是瓊漿玉液吃的是寶饌珍肴

不覺銅壺滴漏又轉四更七仙女四仙人土地神祇
聶有靈齊唱仙歌賀太平鬧元宵又增歡慶

三更說賞元宵跳故事排晏待賓多般樂趣極肖
聖主阜財海內豐富之世

四更裡慶元宵火樹銀花透碧霄觀燈市上人熱鬧
少小兒童騎竹馬貴介王孫着錦貂樓頭多少如花
貌夜正晴月正高酒興闌春興豪黃羅傘下頻開道
紫袍寶帶紅絨帽玉勒雕鞍金佩刀文臣武將齊遊
敖說不盡人山人海羨不盡今夜今宵

不覺銅壺滴漏又轉五更七仙女四仙人土地神祇
晁有靈齊唱仙歌賀太平鬧元宵又增歡慶

四更說宴罷觀燈男女老少文武官僚畢集見海
內何等富庶康樂不啻唐虞之世

五更裡慶元宵鼙鼓春雷似海潮堂前烟火金龍遶
九蓮燈子真奇絕滿架葡萄分外嬌襄城炮打驚心
跳賽月明齊雲高連珠炮震九霄祥雲瑞靄開黃道
九重天子同民樂萬國臣民祝帝堯河清海晏百靈
効惟願年年此夜更願得歲歲今宵

不覺銅壺滴漏直到天明七仙女四仙人土地神祇
晁有靈齊唱仙歌賀太平鬧元宵又增歡慶

五更說放烟火許多妙景仍以天子與民同樂收
又祝歲歲太平愛君之心無所不至

五更鬧罷天將曉架上金鷄叫雲壓鳳釵斜露濕金蓮小衆仙侶暫回天宮明夜裡還來耍笑

結句韻致且有臨去秋波之態

閱五更歌寫情寫景曲盡元宵之樂有次第又冠冕雖一時戲墨實千古奇文敬羨敬羨 張文輝先生評

呂花已獻畢仙姑請了聞得骨牌名兒是明時造的倒也有趣迄今三四百年並沒有箇文人編就詞曲煩仙姑將十二箇月串成歌兒唱衍一番傳與世人也不負此一來仙姑謹領台教還望二位老

仙囑咐

拐唱花要唱骨牌名景物花時都要真若還一句唱差了咲殺風流呂洞賓又

呂骨牌名裡唱名花景物花時莫教差若是仙姑差唱了拐仙咲把癩頭抓又

正月十五好觀燈錦屏風內坐佳人梅稍月下分明見斜插一枝花樣新

二月雪消春水來魚遊春水化龍胎花開蝶滿枝間

舞紫燕穿簾知社回

三月桃紅柳綠天引將二士入桃源落花滿地紅鋪

錦正好雙飛對對緣

四月二姑去把蚕公領孫兒來採桑臨老入到花叢

裡九熟櫻桃任摘嘗

五月二龍戲珠遊莫將鐵鎖鍊孤舟烏龍斬眼扒將

去秃瓜龍舡又搶頭

六月脫下錦裙襪九溪十八洞乘涼七紅沉醉楊妃

酒劈破蓮蓬待夜還

七月孩兒十歲強讀書晝夜不停忙河圖十五能通

曉習取三綱並五常

八月踏梯翫月華上天梯子在我家蕪秦背劍爲丞

相莫把將軍掛印誇

九月金菊對芙蓉霞天一隻鴈橫空賓鴻中彈書難

帶惱殺巫山十二峰

十月梅開應小春鴈啣珠過小園亭八珠環戴閨思

婦書寄邊城正馬軍

十一月楚漢正爭鋒七星劍下血流紅劍行十道都

廿六
歸漢五岳朝天拜九重

十二月紅梅似火燒爭梅寒鵲鬧嘈嘈二郎五岳頻
遊賞揉碎梅花興正豪

攻玉堂對奕

公餘過聽鶴初鳴逸致翩翩試拂枰黑白乍分驚鵲
起方圓初合看龍爭南陽早定三分計東墅閒消百
萬兵一局方終時復笑綠楊枝上正遷鶯

和韻嘲間五並嘲吳聖且

春滿樓臺客滿堂新詩裁就共傳觴肴盛玳瑁殊方
味醴酌珊瑚異漾香已足奎開驚太史何須竹裡集
維桑會稽自是風流士鼓瑟雖工已夕陽

附祁間五作

羣賢畢集在西堂一句新詩酒一觴遂有文光疑射
斗謾勞車從借餘香三春已綠池邊柳八口猶荒墻
下桑自是荒齋人不到相過還未乏高陽

和古作春夏秋冬迴文四景

此詩因有婚姻之約媒氏傳來賦此

以當

催粧

花枝一簇錦堆霞映碧紗春紅蓮樣月映閨中夢叶

熊夏香生桂魄照紅粧巧伴郎秋僊梅遇雪倍容妍

獨汝憐冬

附譚禹定作

鶯梭織柳綠濃陰弄曉晴 荷衣濯水漾清波灑漱
多 傳飛羽檄渡平川映月圓 仙梅鬪雪夜深筵
醉未眠

季春祈雨祁間五首唱

早魃三春水涸江驕陽日日照孤窻不堪還看桑麻
色惟願滂沱早晚降

和祁間五

無端早魃虐邕江忍見春陽日射窻合郡官民虔禱
祝崇朝甘雨八方降

依原韻再續二韻 共三首

旱乾無計決西江愁見紅輪透碧窻正際暮春剛播
種豈容早魃不歸降大臣虔禱誠通帝下土旋看雨
遍邦自愧書生慚傳說歸來覓句剔銀釭

暮春涸井又枯江不見商羊庭舞雙萬姓有懷難籲
帝百工齊禱為綏邦一誠漢表輸靈雨三月隍祠建

寶幢莫詫寒瓊無利益大田多稼酒盈缸
 五風十雨說堯邦九載猶然厯水泮誠效桑林能六
 責何愁春雨不三江當年后稷功勳遠今日城隍法
 力降大沛甘霖沾四境邕州士女樂雙雙

嘲祁間五

季春祈雨用三江絕句緣何不四雙豈是憚煩安晝
 寢敢因貪酌醉春釭隍祠盡是香烟統齋室須將妄
 念降求得甘霖沾足也猪羊獻謝各分扛

和惜春

鷓鴣天

東屏斷絃余亦如之

花際晴光起愛憐賞心忙殺九旬天庭前忽打棠梨
 雨枝上空餘楊柳烟春莫挽意恒牽雖然美景自
 年年砌間每怯鳴寒蟀帳底猶驚啼恨鵲

和春閨

蝶戀花

浦擬白頭長不散覲睨呢喃共聽鶯和燕婉轉多情
 頻眷戀倩兮巧笑目生盼無奈紅摧餘素練瘴嶺
 蠻烟覺道春全變穠李天桃眼底亂丹心不逐流光
 換

附丘東屏惜春

何事東風不我憐
曉來吹散艷陽天
桃花雜杏紅鋪地
柳絮拖梨白帶烟
春去也計難牽
相逢報我待來年
好香採去忙蝴蝶
麗景啼歸惱杜鵑

附丘東屏春閨

憶昔陽臺雲雨散
絮絮叨叨愁聽梁間燕
可奈燕兒偏有戀
雙雙故意將儂盼
強出蘭房拖素練
綠老紅稀又惜春光變
眼下時看芳草亂
鏡中料想朱顏換

賀新秀才聯

泮水芹香觀躍浪
香入芹宮新擷綠
秋風桂馥看搏雲
花明桂闕預番丹

賀莫司訓新堂聯

萬卷舊家風檻外
鶯花增嘯咏
一堂新氣象堦前
桃李慶栽培

招飲 醉春風

又是端陽至長貧
踈友誼家人忽報釀
新成瑞瑞瑞
苜蓿欄前黃蘗甕
裡親採芬苾兼有新蒲試
旋開香粽膩莫因味澁
減歡顏醉醉醉四座風生一鈎月

墜不子遐棄

速客 醉花陰

沼內新荷花欲吐早是聞競渡瑞雨遍郊原萬姓謳
歌正好賓朋聚 荒齋東得高軒赴愧乏珍饈具百
斗莫辭傾速賜光臨蓬華生春煦

附東屏和

幽谷騷人至敲詩聯友誼薰風吹入碧荷香瑞瑞瑞
筆燦嬌花泉烹細茗也分清苾 共把仙觴試何須
紅粉膩長林倒卧不知天醉醉醉足踏蓬壺身遊閬
苑利名拋棄

五月榴花丹火吐遠向瀘江渡瘦骨耐蠻烟歷遍崎
嶇日與狐狸聚 歸來偶向龍門赴爲我醇醪具箕
踞且科頭自是羲皇陣陣春風煦

附袁友山和

雅調欣聯至忘形敦摯誼風流獨上古之人瑞瑞瑞
把酒花間彈琴閣裡情添芬苾 遙看盞梅試頻裁
桃李膩得親承語飲醪醇醉醉醉滿室蘭香半窻嵐
墜知爲不棄

五臟沉酣傾一吐滄海祈航渡好句樂高吟白雪宮
商已是珍珠聚 裁詞遠謝心先赴飽德書紳具齒
替忽飄香襲得芬芳宛似春長煦

附陳木儀和

辱召先趨至寒灰思古誼春風一坐塞茅開瑞瑞瑞
白雪門深青燈夜永欣賞芬苾 釀熟叨新試荷香
杯碧膩忘骸祇覺地天寬醉醉醉胆壯詩雄簪遺珥
墜願言弗棄

滿腹離憂嗟莫吐屈子招魂渡楚俗感賢良浪說爲
歡錦奪喧聲聚 先生吊古邀予赴海錯山珍具飽
德醉醕酌霽月同歸榮逾春噓煦

謝丘袁陳和教

博取瓊章至均標千古誼雲蒸霞蔚競繽紛瑞瑞瑞
香勝芝蘭色欺錦繡味全芬苾 不殊三都試咸兼
二酉膩沉酣未飲已心先醉醉醉瓦礫方投瑤瑤隨
贈永懷勿棄

萬斛珠璣爭欲吐彼岍一葦渡白雪與陽春刻羽流
商悉爲巴人聚 荒樽猶記群賢赴野歎山肴具瀆

藁尚顏慚霽月光風翻使寒瓊煦

壽祁間五 千秋歲

荷香凝砌曉拂清風細畫堂啟笙歌沸填門車馬跡
繞戶雲霞瑞青鸞舞堦前報道群仙會 莫惜瓊漿
醉鳳詔看看至繫不住鵬翅超春風桃李馥白雪琳
瑯萃情到處邕州半是相思地

寄壽書舖李

翁 千秋歲

芙蓉如繡桂魄香生候江瑩徹山明秀蟬催簫管應
雁促笙簧奏秋夜爽壽星朗映西江宿 庭舞斑衣
驟堦列芝蘭茂仙釀熟蟠桃就霓裳歌一曲霞鹵升
三祝惟願取年年歲歲長依舊

自壽 水龍吟

青春如許嗟虛度屈指今朝四十回思曩昔父生師
教朝乾夕惕詩禮家傳孝忠性具相期非細矣磨消
銳志增添華髮堪耐此寒氈席 私幸椿萱並與黷
消覩釵梁鳳隻現前光景後來事業隨天付擲且自
英雄俯今仰古醉花吟月待他年志遂名成身退歌
南山什

南山自慰 百字令

荷花如綺更修竹數竿亭亭有斐月露風情多少態
 領畧幾人可許蟬曲調琴鶯聲弄管時到幽人耳高
 山流水賞音不過如此 苜蓿欄前堪取摘來盤內
 詩酒歡情羨海錯山珍何限味適口如斯而止古往
 今來樂惟自得貧富何須俟天公公道休慮眼前日
 子

中秋待月和盧韻

待月情何切冰輪覺故遲夕陽猶帶影醉酒且題詩
 已識秋香馥還思春艷期嫦娥心應許圓皎上庭枝

祝壽三聯

夙志已酬歸萬里而慶七旬舊日親朋競進壺觴歌
 永錫

遂初可賦辭五斗以依三徑故園松菊欣偕童稚祝
 長年

繩祖武而積德累仁觀澤流淮土慶集厥躬海屋籌
 添億萬靈椿增壽考

貽孫謀以清風皎月羨志遂丘園堂容旋馬瑤池桃

熟三千朱實紀華年
德重且評合七十年之用
舍行藏無在不徵仁者壽
堂開畫錦任八千歲之春秋
來往滿前恒見綵衣新

和潘文水碁子石韻三首

壬申仲夏

堅貞詎肯傳金魚
愛逐英雄戲獵漁
體質不殊形色
內精神早裕轉還初
箇中勝負尊前局
眼底興亡史
有書莫詫相博會
訓子千秋誰不佩瓊琚
溫涼不羨玉爲魚
手握芳規憶稼漁
煉色豈循媧女
跡傳心不異帝堯
初太玄楊子詳爲辨
堅白尼山載
在書閒着一枰時
復笑木瓜有幾報
瑤琚

想是藍田種圓晶
不改平志和堪侶
處性樸顛金堅
布陣能爭地分纏
可象天莫誇仙代
人還在爛柯前

附潘作二首

溫潤相看比玉魚
生來不肯侶樵漁
騁才却在紛爭
日行道還從揖讓
初剝啄有聲傳
謝墅縱橫得意著
唐書漫言煉後遺
餘石晶瑩何曾羨
瓊瑤

和文水客中九日韻

九日邕齋望故鄉
思親無計覓輕裝
一瓊坐破寒成

鐵幾度登高闕舉觴故我頭顱髮點白憫人心意菊
堆黃喜看鵬翮凌霄勁會駕風雲到太行

和鷓鴣天

籬下黃金天際鴻登高寄興酒杯中共誇歸隱陶名
柳還識居中宸號楓 須養晦莫教鬆菜萸揮遍思
無窮縱談落網成佳事休薄彈冠食萬鍾

附潘作

佳節年年在異鄉豈因山水戀行裝無才敢道題糕
字有酒還思泛羽觴客旅漸驚髯下白故園遙憶菊
初黃任他戲馬相馳驟獨坐寒齋讀幾行

最愛清秋有信鴻帶將佳節到南中幾枝黃綴籬邊
菊一簇紅攢岸口楓 蟬語歇客情鬆眼看景物興
無窮縱饒能作登高賦爭似茱萸酒滿鍾

和文水夜坐聞歌

掩閣驚鴻度聲飄落坐前關山清夜月秋水碧雲天
按節雜流徵知音自慧仙願乘鯤與鳳相和笑嫣然
和文水夜坐聞砧

砧聲何處急靜夜一凭欄擣徹驚桐墮情殷怯漏乾

月明浸腕瘦露濕落衣寒客聽愁難寐天邊倚劍看

附潘作

何處歌聲促隨風到燭前鶯雛春轉柳雁子夜嘹天
顧曲非公瑾題詞有謫仙客懷藁結人得聽轉欣然

附潘作

燈影夜漫漫砧聲起隔欄美人心已切客子淚能乾
霜落秋林老烟飛瘴水寒單衣常九月獨坐展書看

祝劉別駕三十六韻

雲歛天高淨皓魄懸秋明仰視南極中炯炯燦長庚
士民咸駭矚僚屬相震驚知是我公謔翻然動群情
臨晨躋公堂濟濟堦下盈拜舞介春酒歡呼若鍾鏜
何能致如斯群起競前鳴父老爲余言公德厚且宏
子弟爲余言公政仁且清多士爲余言作人篤以誠
僚屬爲余言居心和以平召父復杜母惠愛更廉貞
秋水何足喻春風難竟評欲效華封祝蕩蕩無能名
聞君善長歌請爲使君賡余亦屬下員久矣戴幪幘
所言胥稔知貫耳若雷轟深慙蠹管見安能窺其精
解衣衣我寒未獲報瑤瓊執鋤理苜蓿籬下見秋英

採取爲公壽和露酌金莖拜手我公前
抒詞侑霞觥
至善動天鑒宏才孰與京何以祝我公
報施可預偵
大德自必得指日看崢嶸聖明側席求
五馬賁子旌
一進居臺諫再進秉鈞衡詎彼都人士
霖雨遍蒼生
勲猷齊周召不羨漢公卿位高心彌小
望重量能并
壽山擬南峙福海正東泓令嗣相繼起
側耳聽遷鶯
百里非鳳樓况乃著賢聲從茲超台鼎
驥足無繫縈
子孫孫復子世世叠尊榮積善有餘慶
援筆紀前盟

寄仝會朱大兄

與君爲手足屈指十八載別離亦如斯
後會若有待
憶昔同心人八元聯八凱榕樓金石盟
意氣何崔嵬
唯君齒德尊群推爲盟宰君量兼以包
惠愛更樂愷
式好無相尤出處無自怠嘉言勒予心
忽訝朱顏改
君才席上珍久擬調鼎餽如何韞匱藏
不爲天子採
偶繹孟夫子大任言非詒養晦遲時至
雁序生輝彩

新廳自製聯二首

科第蟬聯仰祖德宗功澤流五世詎意
名未立譽未彰
彰有懷未遂四旬前之文章志氣胥畀
瓊消忍性動

心惟懼析薪弗荷敢云肯堂肯構

棟榑鳥革看山襟水帶形跨三湘且喜祀可承族可
聚容膝可安半生後之富貴勲猷總由天付修身俟
命會逢築室旣成聊曰爰處爰居

務孝弟以敦族睦隣仁宅義路禮門兼之飲智水而
踐信土願世世子孫遵守勿失毋侈談富貴功名
攻春秋以傳家報國詩耕記耨樂獲更乃研易理而
杵書詞看綿綿科甲赫奕爭先須各正天人性學

送廣文張文輝歸里四律

久仰才名等二疏欣瞻出處亦同符傳經會際明良
世辭祿高并勇退儒而袖清風新氣象一輪明月舊
圖書先生此去歸何處桂嶺城西有故廬

居官誰不慕名流志遂身全有幾酬吏隱何妨共首
藉功成偏自落林丘二疏自昔榮無比九老於今話
未休貧富尊卑都渾却先生俯仰實同伴

何處驪歌振柳亭朗寧今日餞先生莫辭杯酒十分
醉好把襟懷相對傾山水與君交得意風雲于我倍
多情男兒自古無虛願拍手狂歌且送行

鶴髮嵩齡冰雪姿才全德備自平時門植桃李春風
蒲庭樹芝蘭暮雨滋婿譜有光騰殿陛槃阿多瑞夔
龍螭依稀陶令歸三徑綠木青山慰素思

別大尹蓼懷羅父母

三楚精英媁異才牛刀新試瘴烟開名齊韓斗龍門
敝縣蒲潘花鳳詔來彩筆昔輝呈五色文星高炳逼
三台何緣獲坐春風內臨別依依幾溯洄

別二尹吳聖宜

吾家先世是同鄉何幸同城兩意將好句敲殘花底
月醇醪倒盡掌中觴咸歌佐治恩胥洽一任專城德
愈光深愧寒瓊瓊未報匆匆言別恣登堂

別經廳丁亮工

清時介直羨君賢佐治邕州四境絃學富猶然追策
竹仕優偏不釋韋編有花共醉蘓公酒無事閒談楊
子玄提柳忽青驚判袂月明千里思綿綿

別司獄賈應侯

邕水相逢兩意傾同城復又說同庚有花正好聯新
句不醉何曾放巨觥慷慨羨君樓百尺踈狂幸我石

三生從茲日坐潯江上翹首鶯遷聽友聲

別倉廳張覲侯

如君氣誼最難酌試想花前幾度遊梅吐蓮舒菊又
放風和雪霽月方遯杯傾綠蟻驚人胆坐有芳蘭襲
客裘慷慨與君分手去心兮時逸五花洲

別縣尉童升吉

四載同城意氣殷臨岐把袂那能言無端芳艸增新
恨滿眼春花憶舊罇已識清風驅瘴癘還看甘雨長
蘭蓀遡源先世聯桑梓薄宦天涯勝弟昆

別照廳歐崑岡

慷慨論交無淺深感君古道照人暄殷殷意氣嗟何
擊藹藹丰標即也温邕水風清驅風瘴花洲日暖拜
新恩匆匆不及觀成政會聽歌聲震四原

別巡司韓太洲

七載同城金石交風流瀟洒更雄豪酒傾百斗詩千
首竹種萬竿花一挑柳眼忽青驚別夢魚書裁錦慰
離騷莫嗟人困盤車下看取春風拂紫袍

別何巡司

三載懷陽交倍深更于邕水感知音誦詩鼎愛聽鳴
鶴讀易斯知利斷金誼盛如雲頻繫念情難分手只
長吟自慙不是王孫信何日方抒酬報心

別同寅陳鹿橋

氣誼交孚一載中寅同更喜見心同首盤分酌花前
酒蘭句頻催月下銅笑我無端隨進止憐君有道識
窮通相期莫負春消息頃刻林間杏蓋紅

別府司訓鄧岡洲

家世傳經火有聲欣于邕水慰生平譚清絳帳風流
遠化入芳春桃李榮矍是翁真有興温恭君子實
無爭甫親道範頻分手把酒依依訴別情

和豈尚莫社友

癸酉

催人兩蟻去如梭自覺斑斑髮已多捧檄毛公心爲
養題橋司馬氣吞河得逢知己傾肝膈喜有清吟共
唱和君是他年拔桂客持杯且與聽鶯歌

和王韜士社友

遊戲文場浪得名東關分較誓輸誠敢言拔士群空
冀最喜交君才似瀛潦倒一羶慚髮易徘徊萬卉識

春瑩硯穿不改桑生志五色雲間是鳳城
和莫豈尚暮春過訪

蚤有聲華馳士林踏芳乘興喜相尋敲棋豈在分工
拙擲醉何須問淺深愧我忘形翻舊响感君白雪有
新吟西窻剪燭情無限安得頻過話古今

附莫韻

姓字久聞天下士才雄端覺世無多偏來石洞栽桃
樹不向湘山漱玉河顧盼一過寒士願珠璣百斛有
誰和清華首選將應是耶澤潯陽路滿歌

附王韻

澤波社好素知名不及遙臨慕已誠絳帳每思時載
酒龍門常擬日登瀛春風薰座瑤堦綠傾蓋當軒曙
色瑩桃李有慚栽弗倦幸隨化雨價連城

附莫豈尚暮春過訪 并序

癸酉暮春過訪 方貽老師出所作數百篇相對
靜几一咏無酌神氣朗然天開竟日未輟不覺
玉山已頽復取黑白相合時更三點始別而回
曾次悠然偶拈筆而賦知是顰眉姑錄呈政

楊子常開子墨林談經竟日復相尋每教燒燭頻嫌
短共樂浮杯罔厭深文富五車題劍閣量鯨一斗寫
龍吟驚人愧我無多句不但輸棋豈至今

癸附李厚菴年伯見贈

窮山士習苦依違今幸逢君得指歸性品說分還說
合良知疑是又疑非談經揮扇風生座論史浮杯月
到扉野老幾回思問字幽林無奈未開扉

和原韻酬李年伯

登龍久切地多違今日依程獲所歸朱陸異同疑盡
釋孔顏授受信無非看花兼植三槐願愛菊常開五
柳扉小子一瓊慚負笈遙驚珠玉自天霏

依前韻呈廿四家兄

半生心事苦相違憂繞椿庭北未歸積雨空教花信
老多愁漸覺髮毛非羞看紫燕雙營壘悶拂青瓊一
掩扉幸際天涯兄與弟馬蹄何日霽林霏

雨足田疇早禾已獲登西山遠眺 呵太守作

西郊山寺倚雲斜暇日登臨望眼賒萬壑樹深環一
郭兩江水碧帶千家雨濡青畝村村足稻獲紅蓮處

處嘉夙駕未能追往事已將豐稔卜年華

和太守韻

寺倚西山天半斜旌旗臨眺望中賒青騰原野千村
雨黃慶倉箱萬姓家預識三秋歌大有還覩兩穗兆
亨嘉政成鳳詔凌空下早秉鈞衡弼翠華

又應令二律

及時甘雨沛恩稠境內新禾報早秋五馬臨郊勞問
俗一山擁寺快舒眸青環四野千家接翠鎖雙流百
雉浮三月政成應課最旌勲還更及薪櫛
西山朝爽寺雲開臨眺偏宜五馬來陰雨其膏欣早
獲大田多稼識秋材群黎應協含舖頌萬象咸供作
賦才勤政何妨時枉駕個中經濟炳三台

和阿太守月色上芭蕉二首

一庭新綠晚涼生漸覺清輝片片瑩遂有文光疑射
斗應非仙掌欲浮莖濃勻玉版尋僧字淡憶天花圖
隱旌毘是坡公三飲葉芳踪長與月同明

參差綠綺影婆娑到晚清光挹月多幾片帶烟香起
儼一枝凝露翠流波移來漸擬登瀛勢看去恒驚逼

漢槎可怪當年翻鹿夢喜今裁製有嫦娥

和莫豈尚潯城觀流

聞道潯江泛雷兼風吼聲浪穿雲裏樹影盪日邊星
砥柱中流在登城佳技鳴悠悠歸大海指日見澄清

附原韻

閒來雉百堞震耳恍琴聲爭說風狂樹猶疑馬走星
穿雲極目眺砥石咽江鳴欲挽滔滔意波流何日清

舟近黃沙拈韻

雲樹蒼茫裡黃沙古渡頭鷄鳴夕照岍犬吠月明洲
急棹喧同侶高吟起野鷗舟行今夕始日漸近皇州

舟過黃沙與唐朱二年兄分韻予得輝字

黃沙江邊黃葉飛有客舟過古渡磯渡口夕陽人影
亂村頭烟樹鷄聲微鳴灘急棹相搏擊衰艸斷蓬空
依違一咏成今傾一斗與君陳說奎星輝

附唐和韻

同人斜掛一帆飛村冷黃沙舟冷磯水面月新鷗對
對渡頭烟晚樹微微暫將湖海逢君語肯把功名與
世違拈筆推敲白雪句恍驚碧漢落星輝

十六州
附朱和韻

踏花爭羨馬如飛
日暮催舟過渡磯
霧氣橫江看入夜
炊煙擁樹望來微
莫言魏闕心猶遠
且喜同舟志不違
佳句如君才思湧
題名應奏五雲輝

和唐鳳賓得賒字韻

古渡舟過處
黃沙憶白沙
光寒新共月
翠暗舊思家
歸計方南遂
征途又北賒
不知離事苦
最是上林花
通首一氣呵成
末一聯更得風人肯趨
朱含

美評

附唐原韻

趨裝逐北上
薄暮過黃沙
月碎波中棹
烟含江上家
帝鄉心已近
故國望將賒
安得春風早
歸鞭踏杏花
附朱和唐韻

出門已旬日
今始到黃沙
驛路臨三楚
湘源尚一家
酒懷如有待
詩興未全賒
白雪應難和
知君夢筆花
和朱含美得花字韻

古渡勞勞一似麻
孤帆落日下黃沙
鳴鷄推出寒烟
屋吠犬排開新月
家鼓棹中流
惟自適唱酬高咏莫

言嗟明年好共春風裡踏遍瓊林十里花

附朱原韻

人語驚聞亂似麻舟師指點到黃沙鷄聲傍晚猶穿
屋客棹初行那憶家慷慨功名須自赴蕭條行李向
誰嗟春深細雨天恩泥紅入長安千樹花

附唐朱韻

北去南來日似麻片帆容與下黃沙月明古渡二三
侶煙抹江村四五家思入風雲龍虎合筆搖星斗鬼
神嗟知君笑待春風滿綠上官袍紅上花

題鏡石三首

勝蹟由來那更竒展開石鏡浯之湄四時映徹江天
景千載高標錦繡詞夜影澄波月幾個曉晴入照日
增熙臺前一派香風起想是神娥欲畫眉

石鏡重過繫所思乾坤設此屬阿誰山花簇影雙雙
子木鳥交飛對對兒秋有青娥施粉素春多紅女點
胭脂亭臺靜夜邀明月玉質徘徊恰最宜
造化神竒孰擅多千秋石鏡不須磨乾坤曉夜交窺
影日月東西對畫娥滌垢常將風雨沐助粧時有卉

花羅閱人江上無今古肯向宮中媚麗娥

又二首

石鏡天然巧清光孰與同花搖紅袖拂煙上碧紗籠
照胆非秦物辨年陋蜀宮寧其完素性不敢獻重瞳
浯溪產竒石光照奪青銅巧幻空環海陶鎔竟化工
丹書銘呂父金鏡錄張公同是千秋鑑精靈此不窮

賦得水向石邊流出冷

甲戌回潯署題其餘俱入鳴和集

詎慕陰幽志趨乖悠然傍石漱莓苔如珠帶雨垂垂
下似練牽雲脉脉來嚴性渾疑冰作骨澹懷信有雪
爲胎本來擬作朝宗勢暫歷江磯闔臘梅

賦得風從花底過來香

翻紅弄紫若爲憐暗襲芬芳處處傳蝶夢乍驚循舊
徑梅窺巧引度深簾輕雲拂榦情如見涼月窺枝影
欲翻詩思酒懷添幾許絲絲畱得在水絃

